

01,02-02-9,



BOSNA I HERCEGOVINA
VIJEĆE MINISTARA
Generalno tajništvo

Broj: 05-02-1-2507/10
Sarajevo, 23.11.2010. godine

02.12/10

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENI: 02.12.2010

Organizaciona jedinica	Klasifikacija	Radni broj	Broj lista
01,02	02-9	65	10

B

PARLAMENTARNA SKUPŠTINA BiH
- Zastupnički dom -
- Dom naroda -

SARAJEVO

PREDMET: Prijedlog zakona o sprječavanju doping u sportu u BiH

Vijeće ministara Bosne i Hercegovine, na 133. sjednici održanoj 14.9.2010. godine, utvrdilo je Prijedlog zakona o sprječavanju doping u sportu u Bosni i Hercegovini, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po temeljnom zakonodavnom postupku.

U svezi sa navedenim, u privitku dostavljamo Prijedlog zakona o sprječavanju doping u sportu u Bosni i Hercegovini, na bosanskom, hrvatskom i srpskom jeziku. Istodobno dostavljamo i elektronsku verziju Prijedloga zakona.

S poštovanjem,



GENERALNI TAJNIK

Zvonimir Kutleša

PRIJEDLOG

Na temelju člana IV 4.a) Ustava Bosne i Hercegovine, Parlamentarna skupština Bosne i Hercegovine je, na sjednici Zastupničkog doma održanoj _____ 2010. godine i sjednici Doma naroda održanoj _____ 2010. godine, donosi

ZAKON O SPRJEČAVANJU DOPINGA U SPORTU U BOSNI I HERCEGOVINI

DIO PRVI - OPĆE ODREDBE

Član 1.

(Predmet Zakona)

- (1) Ovim Zakonom uređuju se mjere i aktivnosti za sprječavanje dopinga u sportu u Bosni i Hercegovini i to: definicije, javni interes, međunarodna zasnovanost, decentralizacija, kršenje antidopinških propisa, dokaz o doping, lista zabranjenih sredstava, uloga i odgovornost organizacije za borbu protiv dopinga, obaveze sportaša i sportaševog pomoćnog osoblja, dopinška kontrola, obrazovanje, istraživanje, organi Agencije za antidoping kontrolu, financiranje Agencije za antidoping kontrolu, nadzor nad Agencijom za antidoping kontrolu i završne odredbe.
- (2) Ovim Zakonom propisuju se i mjere za kršenje antidopinških propisa, prekršaji i kazne počinjene kršenjem njegovih odredaba.

DIO DRUGI - DEFINICIJE

Član 2.

(Definicije)

Izrazi koje se koriste u ovom Zakonu imaju slijedeće značenje:

- a) „Antidopinške propise“ čine: Svjetski antidoping kodeks, Zakon o sprječavanju dopinga u sportu u Bosni i Hercegovini i podzakonski akti proizašli iz ovog zakona i Međunarodni standardi koje utvrđuje Svjetska antidoping agencija (u daljem tekstu „WADA“);
- b) „Doping kontrolor“ je fizička osoba koja je ovlaštena za vršenje doping kontrole od strane Agencije za antidoping kontrolu ili međunarodne organizacije za borbu protiv dopinga;

- c) „Doping u sportu“ označava jedno ili više kršenja antidopinških propisa predviđenih u Svjetskom antidoping kodeksu i Zakonu o sprječavanju dopinga u sportu u Bosni i Hercegovini;
- d) „Dopinška kontrola bez prethodne najave“ označava dopinšku kontrolu koja se provodi bez prethodnoga obavještenja sportašu, tokom koje sportaš biva stalno praćen od trenutka primanja obavijesti o kontroli do završetka samoga postupka uzimanja biološkog uzorka;
- e) „Dopinška kontrola izvan natjecanja“ označava svaku dopinšku kontrolu koja se ne provodi u sklopu natjecanja;
- f) „Dopinška kontrola u sklopu sportskog natjecanja“ označava svaku dopinšku kontrolu, koja se provodi u sklopu sportskog natjecanja;
- g) „Dopinška kontrola“ označava sve korake i faze počev od planiranja testiranja, pa do konačne odluke o bilo kojoj žalbi, uključujući sve korake i faze između kao što su pružanje podataka o boravištu (whereabout obrasci), prikupljanje i rukovanje uzorcima, TUE, laboratorijsku analizu, vođenje rezultata i pretrese;
- h) „Izuzee u terapijske svrhe“ označava izuzee dopušteno u skladu sa Međunarodnim standardom za izuzee u terapijske svrhe (TUE);
- i) „Kodeks“ označava Svjetski kodeks protiv dopinga, koji je prihvatila Svjetska antidoping agencija (WADA);
- j) „Korištenje“ označava primjenjivanje, gutanje, ubrizgavanje ili konzumiranje na bilo koji način zabranjene tvari ili zabranjene metode;
- k) „Kriteriji za odobrenje izuzee u korištenju lijekova“ označava kriterije navedene u Međunarodnom standardu za izuzee u terapijske svrhe (TUE) Svjetske agencije za antidoping (WADA);
- l) „Kršenje antidopinških propisa“ u sportu označava radnje sportaša i sportaševog pomoćnog osoblja suprotne antidopinškim propisima;
- m) „Lista zabranjenih sredstava“ je akt kojeg donosi Svjetska antidoping agencija (WADA) za svaku kalendarsku godinu, a kojom se određuju zabranjena sredstva;
- n) „Lokacijski obrazac“ predstavlja propisani akt od strane Agencije za antidoping kontrolu, koji su obvezni popunjavati sportaši Bosne i Hercegovine uvršteni u Registriranu test grupu;
- o) „Marker“: smjesa, skupina spojeva ili bioloških faktora, koja upozorava na korištenje zabranjenih supstanci ili zabranjenih metoda;
- p) „Međunarodni standard za izuzee u terapijske svrhe (TUE)“ označava standard koji je kao takav usvojila Svjetska antidoping agencija (WADA);
- q) „Međunarodni standard za laboratorije“ označava standard koji je usvojila Svjetska antidoping agencija (WADA);
- r) „Međunarodni standard za testiranje“ označava standard koji je kao takav usvojila Svjetska antidoping agencija (WADA);
- s) „Međunarodni standard za zaštitu privatnosti i osobnih podataka“ označava standard koji je kao takav usvojila Svjetska antidoping agencija (WADA);
- t) „Međunarodni standardi“ su standardi koje je usvojila WADA kao podršku Kodeksu;
- u) „Metabolit“ je svaka supstanca proizvedena postupkom biološke preobrazbe;
- v) „Organizacija za borbu protiv dopinga“ označava pravnu osobu koja je odgovorna za usvajanje pravila o uvođenju, pokretanju ili provođenju svih faza postupka dopinške kontrole. Taj pojam obuhvaća Olimpijski odbor BiH, Paraolimpijski odbor BiH, sportske saveze u određenom sportu i Agenciju za antidoping kontrolu;
- w) „Ovlašteni laboratorij za dopinšku kontrolu“ označava laboratoriju koju je ovlastila Svjetska antidoping agencija, (u daljem tekstu „WADA“);
- x) „Pomoćno sportaševo osoblje“ označava svakog instruktora, trenera, menadžera, posrednika, timskog djelatnika, liječnika ili člana pomoćnog medicinskog osoblja, kao i svaka druga osoba koja direktno ili indirektno učestvuje u pripremanju sportaša

- za učestvovanje u sportskom natjecanju
- y) „Propisno ovlašteni timovi za obavljanje dopinške kontrole" označava timove za dopinšku kontrolu koji djeluju u nadležnosti Agencije za antidoping kontrolu ili nadležnih međunarodnih organizacija za borbu protiv dopinga;
- z) „Registrirana test grupa" predstavlja grupu vrhunskih sportaša Bosne i Hercegovine, koji podliježu testiranju na natjecanju i izvan natjecanja u okviru planiranog rasporeda testiranja;
- aa) „Svjetska antidoping agencija - WADA" (u daljem tekstu: WADA);
- bb) „Sportaš" označava, u smislu dopinške kontrole, svaku osobu koja se priprema i učestvuje u organiziranom sportskom natjecanju;
- cc) „Sportska organizacija" označava organizatora sportskog događaja u jednoj ili više sportskih disciplina;
- dd) „Sportsko natjecanje" označava aktivnosti propisane odredbama člana 2. Zakona o sportu u Bosni i Hercegovini
- ee) „Uzorak" označava bilo koji biološki materijal prikupljen za potrebe doping kontrole.
- ff) „Zabranjena metoda" označava svaku tako opisanu metodu na Listi zabranjenih sredstava;
- gg) „Zabranjena sredstva" označavaju zabranjene supstance i zabranjene metode;
- hh) „Zabranjena supstanca" označava svaku tako opisanu supstancu na Listi zabranjenih sredstava;
- ii) „Specifična supstanca" označava svaku tako opisanu supstancu na Listi zabranjenih sredstava
- jj) „Tijelo koje vodi postupak" je ono tijelo koje vodi prvostepeni ili drugostepeni postupak za utvrđivanje kršenja antidopinških propisa.

DIO TREĆI - JAVNI INTERES, MEĐUNARODNA ZASNOVANOST I DECENTRALIZACIJA

Član 3. (Javni interes)

Sprječavanje dopinga u sportu predstavlja djelatnost od javnog interesa.

Član 4. (Međunarodna zasnovanost)

Djelatnost Agencije za antidoping kontrolu (u daljem tekstu: Agencija) zasniva se na principima i standardima koji su utvrđeni Međunarodnom konvencijom protiv dopinga u sportu, Europskom konvencijom protiv dopinga u sportu, Svjetskim antidoping kodeksom, Olimpijskoj povelji, Paraolimpijskoj povelji, Pravilima međunarodnih sportskih asocijacija te izjavi iz Lozane o organiziranju sporta u Bosni i Hercegovini.

Član 5. (Zabrana diskriminacije)

Zabranjena je diskriminacija sportaša po bilo kojoj osnovi, kakve su: rod odnosno pol, rasa, boja kože, jezik, vjera, političko ili drugo mišljenje, nacionalno ili socijalno porijeklo, veza s nacionalnom manjinom, imovinsko stanje, status koji se stječe rođenjem ili drugi status kao i diskriminacija po osnovu tjelesnog oštećenja ili drugog oblika invaliditeta

Član 6.

(Decentralizacija)

U skladu s ustavom Bosne i Hercegovine, ustavima entiteta i drugih nivoa administrativnog organiziranja te njihovim zakonima o sportu i ovim Zakonom mogu se zakonski regulirati pitanja iz oblasti sprječavanja dopinga u sportu na svim nivoima administrativnog organiziranja u Bosni i Hercegovini.

Član 7.

(Primjena)

- (1) Na sva pitanja od značaja za funkcioniranje Agencije, kao stoje donošenje Pravilnika i drugih propisa, upravnog nadzora, odnosa prema institucijama Bosne i Hercegovine, te odnosa prema pravnim i fizičkim osobama u mjeri u kojoj nisu propisana ovim zakonom primjenjuje se Zakon o ministarstvima i drugim tijelima uprave Bosne i Hercegovine („Službeni glasnik BiH“ br. 5/03, 42/03, 26/04, 42/04, 45/06 i 88/07) i Zakon o upravi („Službeni glasnik BiH“ broj 32/02).
- (2) Na upravni postupak koji se vodi pred nadležnim organizacijama za borbu protiv dopinga, u skladu sa ovim Zakonom, primjenjuju se odredbe Zakona o upravnom postupku, osim ako ovim Zakonom nije drukčije propisano.
- (3) Obaveze utvrđene ovim Zakonom primjenjuju se na sve sportaše, pomoćno osoblje sportiste, organizacije za borbu protiv dopinga, sportska natjecanja i doping kontrole na nivou Bosne i Hercegovine.
- (4) Na drugim nivoima administrativnog organiziranja obaveze na sprječavanju dopinga u sportu mogu se utvrditi posebnim zakonima. U slučaju da drugi nivoi administrativnog organiziranja nadležni za pitanja sporta i sprečavanja dopinga u sportu nisu donijeli posebne zakone, na iste se primjenjuju odredbe ovog Zakona.
- (5) Obaveze utvrđene ovim Zakonom primjenjuju se na životinje koje učestvuju na natjecanju, pomoćno osoblje za rad sa tim životinjama, organizacije za borbu protiv dopinga, sportska natjecanja, ovlaštene timove, koje imaju svoje sjedište na teritoriji Bosne i Hercegovine ili obavljaju sportske aktivnosti i djelatnosti na teritoriji Bosne i Hercegovine.

DIO ČETVRTI - KRŠENJE ANTIDOPINŠKIH PROPISA

Član 8.

(Kršenje antidopinških propisa)

Kršenje antidopinških propisa postoji u slučajevima:

- a) prisustva zabranjenih supstanci ili njenih metabolita ili markera u uzorku sportaša;
- b) korištenja ili pokušaja korištenja zabranjenih sredstava; odbijanja, ili propuštanja davanja uzoraka bez uvjerljivog objašnjenja nakon što sportaš zaprimi obavijest u skladu sa primjenjivanim antidopinškim propisima, kao i svako drugo izbjegavanje davanja uzoraka;

- c) ukoliko sportaš iz Registrirane test grupe, propusti testiranje na doping izvan natjecanja ili pogrešno popuni lokacijski obrazac ili netačno da informacije o lokaciji, tri puta ili bilo kojoj kombinaciji kršenja antidopinških propisa, u razdoblju od osamnaest mjeseci;
- d) neovlaštenog ometanja ili pokušaja ometanja bilo kog dijela dopinške kontrole;
- e) neovlašteno posjedovanje zabranjenih supstanci i metoda od strane sportaša ili sportaševog pomoćnog osoblja;
- f) neovlaštene prodaje, transporta, slanja, isporuke ili distribucije zabranjenih sredstava sportašu, ili pokušaja ovakvog ponašanja, bilo neposredno ili posredstvom trećeg lica ;
- g) davanje ili pokušaj davanja sportašu bilo koje zabranjene supstance ili zabranjene metode na natjecanju ili izvan natjecanja, pomaganje, poticanje, promovisanje, prikrivanje, ili svaka druga vrsta saučesništva.

DIO PETI - DOKAZ O DOPINGU

Član 9.

(Teret dokaza)

Na organizaciji za borbu protiv dopinga leži teret utvrđivanja počinjenog kršenja antidopinškog propisa. Teret dokaza odnosi se na to da li je organizacija za borbu protiv dopinga dokazala nadležnom tijelu za izricanje mjera i kazni da je došlo do kršenja antidopinškog propisa, što će se bliže urediti posebnim Pravilnikom.

DIO ŠESTI - LISTA ZABRANJENIH SREDSTAVA

Član 10.

(Lista zabranjenih sredstava)

Listu zabranjenih sredstava koju objavi WADA, Agencija će najmanje jedanput godišnje objaviti, kao i sve njene izmjene i dopune o čemu će donijeti poseban Pravilnik kojim će urediti postupak objavljivanja Liste zabranjenih sredstava.

DIO SEDMI - DUŽNOST I ODGOVORNOST ORGANIZACIJA ZA BORBU PROTIV DOPINGA

Član 11.

(Dužnosti i odgovornost)

- (1) Organizacija za borbu protiv dopinga iz člana 2. stav (1) tačke v) ovog Zakona dužna je:
 - a) donijeti akte kojim će urediti postupak i izricanje mjera u slučajevima utvrđenog kršenja antidopinških propisa i da osigura da se u postupku izricanja mjera osobama odgovornim za doping poštuje njihova ličnost i pravo na odgovarajuću pravnu zaštitu;
 - b) da osigura, u okvirima nadležnosti organizacija za borbu protiv dopinga da sportašima, i sportaševom pomoćnom osoblju za koje je utvrđena odgovornost za kršenje antidopinških propisa, budu izrečene i izvršene odgovarajuće mjere, u skladu s ovim Zakonom i pravilima te organizacije;

- c) da ne prizna sportski rezultat u čijem postizanju je učestvovao sportaš koji je kršio antidopinški propis;
- d) da ne dozvoli učestvovanje na sportskom natjecanju sportašu kome je izrečena mjera zbog kršenja antidopinškog propisa;
- e) da donese program antidopinškog djelovanja;
- f) da osigura stalno individualno medicinsko praćenje vrhunskih sportaša;
- g) da neprekidno, a najmanje jedanput godišnje, obavještava i educira svoje sportaše i pomoćno sportaševo osoblje o važećim propisima koji se odnose na kršenje antidopinških propisa u sportu i štetnim posljedicama po zdravlje upotrebe sredstava sa „Liste zabranjenih sredstava“;
- h) da odgovarajućim aktima osigura da članovi njihovih organizacija poštuju obaveze koje proističu iz primjene ovog Zakona, podzakonskih akata koje donosi Agencija u skladu sa Kodeksom u borbi protiv kršenja antidopinških propisa u sportu;
- i) da odredi odgovorno lice za nadzor nad sprovođenjem mjera za sprječavanje kršenja antidopinških propisa i saradnju sa Agencijom;
- j) da najmanje sedam dana prije održavanja natjecanja koje organizuje, ili koje je pod njenom kontrolom, prijavi natjecanje Agenciji;
- k) da najmanje jedanput u šest meseci obavijesti Agenciju o planovima treninga i priprema vrhunskih sportaša i reprezentativnih selekcija;
- l) da uskrati djelomično ili u potpunosti financiranje sportaša i pomoćnog osoblja svoje organizacije i drugih lica koji krše antidopinška propisi;
- m) da usklađuje svoje akte o kršenju antidopinških propisa sa međunarodnom asocijacijom svoje vrste sporta i sprovodi njihove programe;
- n) u skladu sa ovim Zakonom provedu postupak i izreknu mjeru u slučaju kršenja antidopinških propisa;
- o) da na kraju godine podnese izvještaj Agenciji o izvršenim obavezama koje proizilaze iz ovog Zakona i podzakonskih akata;
- p) da u sportu u kome se natječu životinje utvrde i sprovode antidopinške propise za životinje koje učestvuju u tom sportu u skladu sa pravilima nadležne međunarodne sportske asocijacije;

(2) Organizacija za borbu protiv dopinga koja ne poštuje obaveze iz ovog stava 1. člana, ne može dobijati sredstva iz javnih prihoda sve dok ne ispuni te obaveze.

DIO OSMI - OBAVEZE SPORTAŠA I SPORTAŠEVOG POMOĆNOG OSOBLJA

Član 12.

(Obaveze sportaša)

Obaveza sportaša je da:

- a) budu upoznati i da poštuju antidopinške propise usvojene u skladu sa ovim Zakonom;
- b) daju traženi uzorak za doping kontrolu radi uzimanja uzoraka na natjecanju i van natjecanja;
- c) snose odgovornost u slučaju kršenja antidopinških propisa;
- d) prilikom medicinskog pregleda upozna liječničko osoblje da se bavi sportskim aktivnostima i da je podložan doping kontrolama;
- e) prije uzimanja propisane terapije pismeno obavijesti medicinsko osoblje i trenera o obavljenom medicinskom pregledu i propisanoj terapiji;

- f) najmanje jednom godišnje učestvuje u antidopinškim edukacijskim programima koje organiziraju organizacije za borbu protiv dopinga.

Član 13.

(Obaveze pomoćnog osoblja sportaša)

Obaveza pomoćnog sportaševa osoblja je da:

- a) budu upoznati i da poštuju antidopinške propise usvojena u skladu sa ovim Zakonom i podzakonskim aktima;
- b) budu na raspolaganju u postupku uzimanja uzoraka na natjecanju i van natjecanja.
- c) snose odgovornost u slučaju kršenja antidopinških propisa;
- d) iskoriste svoj uticaj na ponašanje sportaša s ciljem podsticanja antidopinških stavova;
- e) u slučaju sumnje o korištenju zabranjenih sredstava o tome pismeno obavijesti Agenciju;
- f) ukoliko sportašu propiše sredstvo koje sadrži zabranjena dopinška sredstva u cilju liječenja da o tome obavijesti sportaša i Agenciju;
- g) najmanje jednom godišnje učestvuje u antidopinškim edukacijskim programima koje organiziraju organizacije za borbu protiv dopinga.

DIO DEVETI - DOPINŠKA KONTROLA

Član 14.

(Standardi za dopinšku kontrolu)

Organizacije za borbu protiv dopinga koje su nadležne za dopinšku kontrolu, moraju provoditi testiranje u skladu sa Međunarodnim standardima za testiranje.

Član 15.

(Provođenje dopinške kontrole)

- (1) Dopinška kontrola provodi se po propisima utvrđenim od strane Agencije, a u slučajevima kada se dopinška kontrola preduzima na međunarodnom natjecanju, pod rukovodstvom međunarodne sportske asocijacije, po propisima te asocijacije.
- (2) Propisi dopinške kontrole Agencije moraju biti u skladu sa Međunarodnim standardima za dopinško testiranje odobrenim od strane Svjetske antidoping agencije.
- (3) Dopinška kontrola organizira se i sprovodi tako da je isključena svaka mogućnost zamjene uzoraka ili manipulacije bilo kakve vrste.
- (4) Dopinška kontrola sprovodi se uzimanjem uzorka urina i krvi ili primjenom druge autorizirane tehnike za detektiranje zabranjenih supstanci i metoda.
- (5) Agencija će donijeti Pravilnik kojim će urediti pravila dopinške kontrole koja se sprovode na sportskim natjecanjima i izvan natjecanja u Bosni i Hercegovini.

Članak 16.

(Dopinška kontrola na natjecanjima)

Agencija je nadležna za dopinšku kontrolu sportaša koji učestvuju na sportskim natjecanjima organiziranim u skladu sa odredbama Zakona o sportu u Bosni i Hercegovini (Službeni glasnik BiH br. 17/08 i 102/09)

Član 17.

(Dopinška kontrola izvan natjecanja)

- (1) Agencija je nadležna za dopinšku kontrolu sportaša van natjecanja, koji su članovi sportskih organizacija sa sjedištem na teritoriji Bosne i Hercegovine.
- (2) Kontrola izvan natjecanja podliježu sportaši koji su olimpijski kandidati, vrhunski sportaši, sportaši međunarodnog ranga, sportisti koji žele da nastave sportsku karijeru nakon isteka mjere zabrane učestvovanja na natjecanjima zbog dopinga, kao i druge kategorije sportaša koje odredi Agencija.
- (3) Sportaši koji podliježu kontroli izvan natjecanja u skladu sa stavom (2) ovog člana dužni su da Agenciju obavještavaju o svakoj promjeni mjesta boravišta, vremenu i mjestu održavanja treninga, o odsustvu iz mjesta boravka dužem od pet dana i to na posebnom obrascu kojeg propisuje Agencija.
- (4) Dopinška kontrola izvan natjecanja sprovodi se na temelju:
 - a) plana kontrole;
 - b) odluke Agencije;
 - c) prijave sportaša ili nadležne organizacije za borbu protiv dopinga, udruženja građana ili građana.
- (5) Svi sudionici u dopinškoj kontroli dužni su da dobijene informacije iz ovog člana čuvaju kao povjerljive i mogu ih koristiti isključivo u svrhe planiranja, koordiniranja i sprovođenja testiranja.

Član 18.

(Registrirana test grupa)

Agencija jednom godišnje određuje grupu sportaša Bosne i Hercegovine koji čine Registriranu test grupu sportaša, koji podliježu dopinškoj kontroli na natjecanju i izvan natjecanja u okviru planiranog rasporeda testiranja, a što će biti regulirano posebnim Pravilnikom.

Član 19.

(Doping kontrolor)

Dopinšku kontrolu sprovodi doping kontrolor u skladu sa Međunarodnim standardima za testiranje, ovim Zakonom i podzakonskim aktima.

Član 20.

(Korištenje ovlaštenih laboratorija)

- (1) Agencija će uzorke za dopinšku kontrolu analizirati samo u ovlaštenim laboratorijama za dopinšku kontrolu u kojoj se sprovodi doping analiza, koja mora posjedovati važeću homologaciju izdatu od strane ovlaštenog međunarodnog organa ili WADA-e.
- (2) U postupku dopinške kontrole uzeti uzorci moraju se skladištiti, njima rukovati i analizirati u skladu s odredbama ovog Zakona i Međunarodnim standardima za laboratorije, o čemu će se donijeti poseban Pravilnik.

Član 21.

(Svrha prikupljanja i analize uzoraka)

- (1) Uzorci se prikupljaju i analiziraju isključivo u svrhu dopinške kontrole.
- (2) U smislu ovog Zakona zabranjeno je prikupljanje i analiza uzoraka osim u svrhu dopinške kontrole.

Član 22.

(Ponovna analiza uzoraka)

- (1) Uzorak može biti ponovo analiziran za svrhe člana 23. ovog Zakona isključivo po zahtjevu organizacije za borbu protiv dopinga koja je uzela uzorak ili WADA-e.
- (2) Okolnosti i uvjeti za ponovno testiranje uzorka moraju biti u skladu sa zahtjevima Međunarodnog standarda za laboratorije.

Član 23.

(Upravljanje rezultatima)

- (1) Agencija upravlja rezultatima nakon primitka nepovoljnog laboratorijskog nalaza iz A uzorka i mora:
 - a) provesti reviziju da utvrdi je li odobreno primjenjivo terapijsko izuzeće ili će biti odobreno u skladu sa međunarodnim standardima za terapijsko izuzeće;
 - b) utvrditi vrstu određenog odstupanja od Međunarodnog standarda za testiranje ili Međunarodnog standarda za laboratorije, koje su prouzročile nepovoljan rezultat;
 - c) Postupak upravljanja rezultatima na natjecanjima i izvan natjecanja utvrdiće se Pravilnikom o dopinškoj kontroli na natjecanjima i izvan natjecanja;
- (2) Organizacija za borbu protiv dopinga, koja je nadležna za izricanje mjera za kršenje antidopinških propisa, mora osigurati postupak saslušanja za svaku osobu za koju se tvrdi da je prekršila antidopinški propis, uz poštivanje slijedećih načela i prava:
 - a) blagovremenost postupka;

- b) pošteno i nepristrasano tijelo koje će voditi postupak;
- c) pravo osobe za koju se tvrdi da je prekršila antidopinški propis na zastupnika o vlastitom trošku;
- d) pravo te osobe da bude pošteno i pravovremeno informirana o potvrđenom kršenju antidopinškog propisa;
- e) pravo te osobe da odgovori na potvrđeni prekršaj antidopinških propisa i rezultirajuće posljedice;
- f) pravo svake strane u postupku da iznese dokaze, uključujući pravo da pozove i ispita svjedoke (uz diskreciono pravo tijela koje vodi postupak da prihvati svjedočenje preko telefona ili pismenim putem);
- g) pravo na prevodioca u postupku, uz obavezu tijela koje vodi postupak da odredi identitet prevodioca i odgovornost za troškove prevodioca;
- h) pravovremenu, pismenu i obrazloženu odluku.

(3) U slučaju izričitog ili prešutnog izbjegavanja osobe za koju se tvrdi da je prekršila antidopinški propis da učestvuje u postupku, bilo izričitim odbijanjem ili propuštanjem da u predviđenim rokovima poduzme odgovarajuće radnje, tijelo koje vodi postupak će na osnovu činjenica kojima raspolaže donijeti odgovarajuću odluku u postupku i bez učešća te osobe u postupku, navodeći razloge za to u odluci.

DIO DESETI - MJERE ZA KRŠENJE ANTIDOPINŠKIH PROPISA

Član 24. (Vrste mjera)

Mjere koje se izriču zbog kršenja antidopinških propisa jesu:

- a) diskvalifikacija sportskih rezultata;
- b) privremena suspenzija;
- c) zabrana učešća na natjecanju;
- d) zabrana obavljanja funkcija u oblasti sporta.

DIO JEDANAESTI - DISKVALIFIKACIJA SPORTSKIH REZULTATA

Član 25. (Diskvalifikacija rezultata na natjecanju)

- (1) Kršenje antidopinških propisa tijekom ili u vezi natjecanja dovodi do automatske diskvalifikacije sportaševog pojedinačnog rezultata koje je postigao na tom natjecanju sa svim pratećim posljedicama, uključujući pravo na sve medalje, bodove i nagrade.
- (2) Na temelju odluke upravnog tijela natjecanja mogu se diskvalificirati i svi drugi sportaševi pojedinačni rezultati postignuti na tom natjecanju sa svim pratećim posljedicama, uključujući pravo na sve medalje, bodove i nagrade.
- (3) Ako sportaš dokaže da ne snosi ni krivnju ni nemar za prekršaj sportaševi pojedinačni rezultati u drugim natjecanjima (disciplinama) ne smiju biti diskvalificirani osim ako se ne dokaže da je na sportaševe rezultate u rečenim natjecanjima vjerovatno djelovalo sportaševo kršenje antidopinških propisa.

Član 26.

(Diskvalifikacija i posljedice)

Svi natjecateljski rezultati ostvareni za vrijeme dok traju privremena suspenzija ili mjera zabrane natjecanja vezana za uzet pozitivni uzorak ili učinjeno drugo kršenje antidopinškog propisa moraju se diskvalificirati sa svim pratećim posljedicama uključujući gubitak prava na sve medalje, bodove i nagrade, osim ako provedeni postupak ne nalaže drukčije.

Član 27.

(Privremena suspenzija)

Kada organizacija za borbu protiv dopinga dobije obavijest da je za uzorak A utvrđen nepovoljan laboratorijski nalaz za zabranjenu supstancu koja se razlikuje od specifične supstance, a koji se ne može opravdati odobrenim terapijskim izuzećem (u daljem tekstu: TUE) ili očitim odstupanjem od međunarodnih standarda za testiranje i laboratorijske analize koje dovodi u pitanje ispravnost dobijenog rezultata, organizacija će sportašu odrediti privremenu suspenziju.

Član 28.

(Zabrana učestvovanja na natjecanju)

- (1) U slučaju prvog kršenja antidopinških propisa iz člana 8. stav (1) tač. a), b), i f) ovog Zakona mjere zabrane učešća na natjecanju izriče se u trajanju od dvije godine osim ukoliko se ostvare uslovi iz čl. 32., 33. ili 34. ovog Zakona.
- (2) U slučaju da sportašu nije u pitanju prvo kršenje antidopinških propisa mjera zabrane učešća na natjecanju izriče se u skladu sa člankom 35. ovog Zakona.

Član 29.

- (1) U slučaju prvog kršenja antidopinških propisa iz člana 8. stav (1) tač. c), i e) ovog Zakona mjere zabrane učešća na natjecanju izriču se u trajanju od dvije godine, osim ukoliko se ostvare uvjeti iz čl. 33 ili 34. ovog Zakona.
- (2) U slučaju da sportašu nije u pitanju prvo kršenje antidopinških propisa mjera zabrane učešća na natjecanju izriče se u skladu sa člankom 35. ovog Zakona.

Član 30.

(1) U slučaju prvog kršenja antidopinških propisa iz član 8. stava (1) tač. g), h), ovog Zakona mjere zabrane učestvovanja na natjecanju izriču se u slijedećem trajanju:

- a) najmanje četiri godine do trajne zabrane osim ukoliko se ostvare uvjeti iz člana 33. ovog Zakona;
- b) doživotna zabrana ako je kršenje počinjeno prema maloljetnom sportašu ili ako je počinjeno od strane pomoćnog sportaševog osoblja, izuzev ako je vezano za specifične supstance;

(2) U slučaju da sportašu nije u pitanju prvo kršenje antidopinških propisa mjera zabrane učestvovanja na natjecanju izriče se u skladu sa člankom 35. ovog Zakona.

Član 31.

(1) U slučaju prvog kršenja antidopinških propisa član 8. stava (1) tačka d), ovog Zakona mjere zabrane učestvovanja na natjecanju izriču se u slijedećem trajanju:

- a) najmanje jednu, a najviše dvije godine;
- b) uvijek dvije godine ukoliko su sve tri povrede bez opravdanja.

(2) U slučaju da nije u pitanju prvo kršenje antidopinških propisa mjera zabrane učestvovanja na natjecanju izriče se u skladu sa člankom 35. ovog Zakona.

Član 32.

(1) Sportašu za koga se utvrdi da je odgovoran zbog dopinga susptancama koje su posebno identificirane u referentnoj listi zabranjenih farmakoloških klasa doping supstanci i doping metoda kao „specifične supstance” odnosno kao supstance opće dostupne u medicinskim proizvodima ili kao supstance za koju je malo vjerovatno da se mogu uspješno zloupotrijebiti kao doping faktor, mjera zabrane učestvovanja na natjecanjima izreče se u trajanju najduže do dvije godine za prvo kršenje antidopinških propisa, uz mogućnost da se umjesto te mjere izrekne opomena, pod uvjetom da sportaš dokaže

- a) da nije imao namjeru poboljšanja sportskih performansi ili prikrivanja upotrebe drugih supstanci;
- b) kako je specifična supstanca dospjela u njegovo tijelo ili posjed.

(2) Ukoliko sportaš odgovoran zbog dopinga specifičnim supstancama, ne dokaže navedeno iz stava (1) tač. a) i b) ovog člana, za prvo kršenje antidopinških propisa izriče se mjera zabrane natjecanja u trajanju od dvije godine, s tim da se trajanje može povećati i na četiri godine ukoliko se ostvare uvjeti iz člana 34. ovog Zakona.

Član 33.

(Smanjenje trajanja mjera)

1) Mjera zabrane učestvovanja na natjecanju u smislu člana 28. do 31. ovog Zakona neće biti izrečena za kršenje antidopinških propisa ako sportaš dokaže da nije kriv, odnosno

odgovoran za propust ili nemar, a u slučaju kršenja antidopinškog propisa iz člana 8. stav (1) tačka a) ovog Zakona i kako je supstanca dospjela u njegovo tijelo.

2) Sportašu mjera zabrane učestvovanja na natjecanju u smislu člana 28.do 31.ovog Zakona može biti izrečena u kraćem trajanju:

- a) ali ne kraće od polovine trajanja zabrane koja bi inače bila izrečena, odnosno osam godina ako bi inače trebalo izreći mjeru trajne zabrane, za kršenje antidopinških propisa ako sportaš dokaže da nije postupao sa grubom nepažnjom, odnosno da nije učinio značajan propust ili nemar, a u slučaju kršenja antidopinškog propisa iz člana 8. stav (1) tačka a) ovog Zakona i kako je supstanca dospjela u njegovo tijelo.;
- b) ali ne kraće od jedne četvrtine trajanja zabrane koja bi inače bila izrečena, odnosno osam godina ako bi inače trebalo izreći mjeru trajne zabrane, za povredu antidopinškog propisa ako sportaš pruži značajan doprinos u otkrivanju ili utvrđivanju kršenja antidopinškog propisa počinjene od strane pomoćnog osoblja sportaša ili drugih osoba;
- c) ali ne kraće od polovine trajanja zabrane koja bi inače bila izrečena, odnosno osam godina ako bi inače trebalo izreći mjeru trajne zabrane ukoliko sportaš dobrovoljno prizna kršenje antidopinškog propisa prije nego je primio obavještenje o doping kontroli ili u slučajevima kršenja antidopinških propisa izvan onoga iz člana 8. stav (1) tačka a) ovog Zakona prije nego što je primio obavještenje o sumnji da je počinjeno kršenje antidopinškog propisa, i to je priznanje jedini pouzdan dokaz kršenja antidopinških propisa.

(3) Stav (2) tačka a) ovog člana se ne primenjuje u slučaju kršenja antidopinškog propisa iz člana 8. stav (1) tačka d) ovog Zakona ili ukoliko je već primenjen član 32. ovog Zakona.

(4) Kada sportaš ostvari osnov za umanjenje perioda zabrane po više osnova iz stava (2) tačke a), b) i c) ovog člana period zabrane može biti umanjen ali ne više od jedne četvrtine trajanja zabrane koja bi inače bila izrečena.

Član 34.

(Otežavajuće okolnosti)

Mjere zabrane učestvovanja na natjecanju u smislu čl. 28, 29 i 31. ovog Zakona za kršenje antidopinških propisa iz člana 8. stav (1) tač. a), b), c), d), e) i f) mogu biti uvećane sportašu do četiri godine u slučaju postojanja otežavajućih okolnosti.

Član 35.

(Drugo i treće kršenje antidopinških propisa)

- (1) U slučaju drugog kršenja antidopinških propisa od strane istog sportaša, mjera zabrane natjecanja će mu se izreći u trajanju predviđenom u vodoravnim redovima u slijedećoj tabeli, zavisno od primenjivog člana ovog Zakona i od trajanja zabrane natjecanja izrečenog za prvo kršenje antidopinških propisa koje je dato u uspravnim kolonama:

Drugo Prvo kršenje	Član 32	Član 31	Član 33 stav 2 tačka a	Član 28 i 29	Član 34	Član 30
Član 32	1-4 godine	2-4 godine	2-4	4-6	8-10 godina	10 godina doživotna
Član 31	1-4 godine	4-8 godina	4-8	6-8	10 godina doživotna	doživotna
Član 33 stav 2 tačka a	1-4 godine	4-8 godina	4-8	6-8 godina	10 doživotna	doživotna
Član 28 i 29	2-4 godine	6-8 godina	6-8	8 godina - doživotna	doživotna	doživotna
Član 34	4-5 godina	10-doživotna	10 godina doživotna	doživotna	doživotna	doživotna
Član 30	8 godina - doživotna	doživotna	doživotna	doživotna	doživotna	doživotna

Definicija skraćenica korištenih u tabeli:

Član 32 - kršenje antidopinških propisa uključuje "specifične supstance" prema članu 32. ovog Zakona.

Član 31 - kršenje antidopinških propisa prema članu 31. ovog Zakona - obrasci o lokaciji

Član 33 stav 2 tačka a - umanjenje trajanja zabrane zbog kršenja antidopinških propisa bez grube nepažnje, značajnog propusta ili nemara prema članu 33. stav (2) tačka a) ovog Zakona.

Član 28 i 29 - mjera zabrane od dvije godine za kršenje antidopinških propisa iz člana 8 stav (1) tačka a), b), c), e) i f) ovog Zakona.

Član 34 - otežavajuće okolnosti - mjera zabrane prema članu 34 ovog Zakona

Član 30 - trgovina i davanje supstanci sportisti kršenje antidopinških propisa iz člana 8 stav (1) tačke g) i h) prema članu 30 ovog Zakona.

- (2) Kada su na drugo kršenje antidopinških propisa primjenjive tačke b) ili c) stava (2) člana 33. ovog Zakona, trajanje zabrane će biti određen tako što će se na trajanje zabrane određen primjenom tabele iz stava (1) ovog člana primjeniti član 33. stav (2) tač. b) ili c) ovog Zakona, s tim da umanjeni period mora iznositi bar jednu četvrtinu trajanja zabrane koji bi inače bio izrečen.
- (3) Za treće kršenje antidopinških propisa uvijek će se izreći mjera doživotne zabrane učestvovanja u sportu izuzev u slučajevima kršenja antidopinškog propisa iz člana 8. stav (1) tačka d) ovog Zakona ili ukoliko je kršenje vezano za specifične supstance, u kom slučaju se može izreći mjera zabrane u trajanju od osam godina do doživotne zabrane učestvovanja u sportu.

Član 36.

(Status za vrijeme zabrane)

- 1) Sportaš i sportaševo pomoćno osoblje, kome je od strane nadležne organizacije za borbu

protiv dopinga izrečena mjera zabrane učestvovanja na natjecanju ne može za vrijeme trajanja zabrane učestvovati u bilo kom svojstvu, i u bilo kojoj vrsti sporta, na sportskim natjecanjima, niti obavljati funkciju u organizacijama u oblasti sporta, uključujući i aktivnosti vezane za rad sa sportašima.

- 2) Zabranjeno je svim pravnim i fizičkim osobama pružati finansijsku pomoć ili druge sa sportašem povezane pogodnosti koje je ostvario on ili pomoćno sportaševo osoblje sportašu i sportaševom pomoćnom osoblju iz stava (1) ovog člana.

Član 37.

(Zabrana obavljanja funkcije)

Odredbe čl. 28. do 36. ovog Zakona se primjenjuju i na mjeru zabrane obavljanja funkcija u oblasti sporta.

Član 38.

(Odgovornost za štetu)

Osobe za koje se utvrdi da su odgovorne za doping odgovaraju za štetu koja nastane za druge osobe prema općim pravilima o odgovornosti za štetu.

Član 39.

(Gubitak statusa)

Sportaš ili sportaševo pomoćno osoblje za koje se utvrdi da su odgovorni za doping gube za vrijeme trajanja izrečene mjere status koji imaju po kategorizaciji sportaš, odnosno sportaševo pomoćno osoblje u Bosni i Hercegovini.

Član 40.

(Mjere za sportske timove)

- 1) Ako je više od jednog člana tima u timskom sportu obaviješteno o mogućem kršenju antidopinških propisa prema članu 8. ovog Zakona u vezi sa događajem, tim će biti podvrgnut ciljanom testiranju za taj događaj.
- 2) Ako se utvrdi da je više od dva člana tima u nekom timskom sportu prekršilo antidopinški propis za vrijeme događaja, tim može da bude diskvalificiran ili se protiv njega mogu preduzeti neke druge disciplinske mjere, kao dodatak bilo kojoj mjeri koja će biti izrečena pojedinom sportašu, članu tima koji je počinio kršenje antidopinških propisa.
- 3) Tijelo koje upravlja događajem može utvrditi propise za događaj koja nameću posljedice teže od onih u stavku (2) ovog člana za potrebe tog događaja.

DIO DVANAESTI - POSTUPAK UTVRĐIVANJA ODGOVORNOSTI I IZRICANJA MJERA

Član 41.

(Nadležnost za izricanje mjera)

- 1) Za izricanje mjera u prvostepenom postupku nadležan je sportski savez registriran na nivou Bosne i Hercegovine (u daljnjem tekstu: sportski savez), u skladu sa Zakonom o sportu u Bosne i Hercegovine i upisan u registar Ministarstva civilnih poslova Bosne i Hercegovine.
- 2) Za izricanje mjera u drugostepenom postupku nadležan je Antidoping odbor.
- 3) U slučaju da nadležni sportski savez iz stava (1) ne izrekne mjeru ili ne odluči po žalbi, u roku od godinu dana od kada je analizom uzetih uzoraka utvrđeno da je sportaš učinio kršenje antidopinških propisa, nadležan je Antidoping odbor .
- 4) Agencija će donijeti Pravilnik kojim će se bliže urediti postupak utvrđivanja odgovornosti i izricanja mjera osobi koja je učinila kršenje antidopinškog propisa.

Član 42.
(Upravni spor)

- 1) Protiv konačnih upravnih akata donesenih prema ovome Zakonu može se pokrenuti upravni spor.
- 2) Upravni spor pokreće se podnošenjem tužbe Sudu Bosne i Hercegovine, u skladu sa Zakonom o upravnim sporovima Bosne i Hercegovine, ako ovim Zakonom nije drukčije propisano.
- 3) Tužba ne odgađa izvršenje konačnog upravnog akta, osim kada je ovim Zakonom drukčije propisano.

DIO TRINAESTI - JAVNO OBJAVLJIVANJE I PRIVATNOST

Član 43.
(Javno objavljivanje)

- (1) Identitet sportaša kome je utvrđen nepovoljni laboratorijski nalaz za uzorak A ili za koga postoji osnovana sumnja da je počinio neku drugo kršenje antidopinških propisa, može se javno razotkriti samo nakon što je proveden postupak revizije iz člana 23 stav (1) ovog Zakona i nakon što su o kršenju obavješteni sportaš, sportski savez, nadležna međunarodna sportska asocijacija i WADA.
- (2) Identitet sportaša iz stava (1) ovog člana mora se objaviti najkasnije u roku od 20 dana od završetka prvostepenog postupka u kome je utvrđeno kršenje antidopinškog propisa.
- (3) St. (1) i (2) ovog člana primenjuju se i na kršenje antidopinških propisa od strane pomoćnog osoblja sportaša i drugih osoba.
- (4) Posebnim pravilnikom će se bliže urediti način i postupak objave.

Član 44.
(Privatnost podataka)

- 1) Agencija može prikupljati, pohranjivati, procesuirati ili objavljivati lične podatke koje se tiču sportaša i trećih strana.
- 2) Prilikom prikupljanja podataka iz stava (1) ovog člana Agencija će postupati u skladu sa Zakonom o zaštiti ličnih podataka („Službeni glasnik BiH“, broj 49/06) kao i Međunarodnim standardom za zaštitu privatnosti i ličnih podataka.

DIO ČETRNAESTI - IZOBRAZBA

Član 45.

(Osnovna načela)

- 1) Agencija će u skladu sa svojim mogućnostima planirati, implementirati i pratiti informacijske i edukacijske programe za sport bez dopinga.
- 2) Programi moraju promicati sportski duh kako bi stvorili okruženje koje odlučno podupire sport bez dopinga i ima pozitivan i dugoročan utjecaj na izbore koje čine sportaši i druge osobe.
- 3) Programi iz stava (2) ovog člana će biti usmjereni na mlade ljude, u skladu s njihovim stupnjem razvoja, u školama i sportskim klubovima, roditelje, odrasle sportaše, sportske dužnosnike, trenere, medicinsko osoblje i medije.
- 4) Pomoćno sportsko osoblje treba obrazovati i savjetovati sportaše o smjernicama borbe protiv dopinga i pravilima koja su prihvaćena prema Kodeksu i ovom Zakonu.

Član 46.

(Saradnja)

Sve organizacije za borbu protiv dopinga će saradivati jedne s drugima i sa entitetskim i kantonalnim vladama, odgovarajućim institucijama iz oblasti sporta kako bi ohrabrile odgovarajuće, nadležne stručna udruženja i institucije da bi se izradili i primijenili odgovarajući propisi ponašanja, dobra praksa i etika povezana sa sportom u smislu antidopinga kao i mjere koje su u skladu s ovim Zakonom.

DIO PETNAESTI - ISTRAŽIVANJE

Član 47.

(Istraživanje)

Agencija će razvijati i provoditi djelotvorne programe istraživanja unutar dopinške kontrole, kao i informiranje i obrazovanje u pogledu sporta bez dopinga, da bi se osiguralo da se rezultati takvih istraživanja koriste za promociju ciljeva zdravlja i etike poštene igre i poštivanja propisa i zakona.

Član 48.

(Tipovi istraživanja)

Relevantno antidopinško istraživanje može obuhvaćati, medicinska, farmakološka, sociološka, bihevioristička, pravna, etička uz analitička i psihološka istraživanja. Istraživanja će se usmjeriti na utvrđivanje i procjenu efikasnosti fizioloških i psiholoških programa treninga na naučnoj osnovi koji, su u skladu s načelima Kodeksa i isto tako integritetom ljudskih subjekata i studije koje se odnose na korištenje novih supstanci ili metoda koje su rezultat naučnog razvoja.

Član 49.

(Istraživačka praksa)

- 1) Antidopinško istraživanje mora udovoljavati međunarodno priznatim etičkim praksama i metodama.

- 2) Istraživačka djelatnost trebala bi izbjegavati istraživanje davanja zabranjenih supstanci i zabranjenih metoda sportašima.
- 3) Treba preduzimati odgovarajuće mjere opreza kako rezultati istraživanja ne bi bili zloupotrebjeni i iskorišteni.

DIO ŠESNAESTI - AGENCIJA ZA ANTIDOPING KONTROLU

Član 50. (Sjedište)

- (1) Sjedište Agencije je u Tuzli.
- (2) Agencija može uspostaviti svoje organizacione jedinice van sjedišta Agencije.

Član 51.

Agencija ima svoj pečat.

Član 52. (Obavljanje poslova)

Agencija obavlja sportske aktivnosti i djelatnosti na sportskim natjecanjima, a posebno:

- a) uređuje, određuje, organizira i provodi dopinšku kontrolu na sportskim natjecanjima, osim one koju sprovodi nadležni međunarodni sportski savez na međunarodnim natjecanjima koja se organizuju u Bosni i Hercegovini;
- b) uređuje, određuje, organizira i sprovodi dopinšku kontrolu izvan sportskih natjecanja;
- c) imenuje stručne osobe ovlaštene za obavljanje dopinške kontrole (kontrolore), ustanovljava i izdaje im iskaznice i brine se o njihovom stalnom stručnom osposobljavanju i usavršavanju;
- d) određuje organizacije u kojima će se obaviti analiza uzoraka sportaša;
- e) utvrđuje odgovornost lica koje je učinilo kršenje antidopinškog propisa, u slučaju da nadležna organizacija za borbu protiv dopinga ne izrekne mjere i odlučuje po žalbi na mjeru koju je izrekao sportski savez određene vrsta sporta, osim ako u skladu sa ovim zakonom nije određena, odnosno ugovorena nadležnost međunarodne sportske arbitraže za odlučivanje po žalbi;
- f) preduzima mjere za smanjenje dopinga u sportu i njegovo dugoročno otklanjanje;
- g) objašnjava šta se pod određenim pojmom vezanim za problem dopinga u sportu podrazumijeva;
- h) stara se o osiguranju potrebne opreme za analizu uzoraka i potrebnih sredstava za dopinšku kontrolu;
- i) ostvaruje uvid u organiziranje i sprovođenje dopinške kontrole na međunarodnim natjecanjima koja se organiziraju u Bosni i Hercegovini;
- j) utvrđuje godišnji plan dopinške kontrole koju sprovodi;
- k) izdaje službeni bilten;
- l) ostvaruje međunarodnu stručnu saradnju na pitanjima koja su vezana za sprječavanje dopinga u sportu i zaključuje sporazume o testiranju;
- m) ostvaruje saradnju sa zainteresiranim vladinim i nevladinim organizacijama u vezi sa sprječavanjem dopinga u sportu i oštećenjem zdravlja sportaš upotrebom dopinga;
- n) organizira obrazovne, odgojne i druge kampanje protiv dopinga u sportu;
- o) informiše javnost o aktivnostima koje se preduzimaju protiv dopinga u sportu;
- p) daje preporuke i savjete za preduzimanje mjera od strane državnih organa i

- organizacija u oblasti sporta u cilju sprečavanja dopinga u sportu;
- q) organizira istraživanja, savjetovanja, seminare, okrugle stolove i izdaje publikacije o pitanjima vezanim za borbu protiv dopinga u sportu;
 - r) prati i prikuplja informacije u vezi sa zakonskim i drugim mjerama koje se u drugim zemljama i međunarodnim organizacijama preduzimaju u borbi protiv dopinga u sportu;
 - s) prati i prikuplja informacije o mjerama koje državni organi i organizacije u oblasti sporta preduzimaju u borbi protiv dopinga u sportu;
 - t) utvrđuje izgled znaka upozorenja koji se stavlja na proizvode koji se stavljaju u promet, a u sebi sadrže zabranjene dopinške supstance;
 - u) utvrđuje Listu zabranjenih sredstava;
 - v) utvrđuje pravila za izuzeća u terapijske svrhe (TUE);
 - w) Nadzire rad doping kontrolora i timova za uzimanje uzoraka;
 - x) obavlja druge poslove koji se odnose na borbu protiv dopinga u sportu, u skladu sa ovim zakonom.

DIO SEDAMNAESTI - ORGANI AGENCIJE

Član 53. (Organi)

- (1) Organi Agencije su: Antidoping odbor i Odbor za izuzeća u terapijske svrhe.
- (2) Organi Agencije imenuju se na period od četiri godine.

Antidoping odbor

Član 54. (Sastav i imenovanje)

- (1) Antidoping odbor ima sedam članova.
- (2) Članove Odbora predlažu:
 - a) Ministarstvo civilnih poslova Bosne i Hercegovine jednog člana;
 - b) Olimpijski komitet Bosne i Hercegovine jednog člana;
 - c) Paraolimpijski komitet Bosne i Hercegovine jednog člana;
 - d) Federalno ministarstvo kulture i sporta/sporta jednog člana;
 - e) Ministarstvo porodice, omladine i sporta Republike Srpske jednog člana;
 - f) Brčko Distrikt Bosne i Hercegovine jednog člana,
 - g) Agencija jednog člana.
- (3) Član Odbora ne može biti imenovan u Antidoping odbor više od dva mandata.
- (4) Predsjednika i članove Antidoping odbora imenuje Vijeće ministara Bosne i Hercegovine.
- (5) Članovi Antidoping odbora imaju pravo na naknadu troškova i pravo na naknadu za radno angažiranje u radu Antidoping odbora.
- (6) Antidoping odbor će donijeti Poslovnik o radu kojim će se regulirati način vođenja sjednica, vođenje zapisnika, način glasanja, obaveze sekretara i obavljanje administrativnih poslova u roku od trideset dana od dana konstituiranja Odbora.

Član 55.
(Nadležnost)

(1) Antidoping odbor je nadležan da:

- a) utvrđuje odgovornost i izriče mjere za kršenje odredbi ovog Zakona u slučaju da nadležna organizacija za borbu protiv dopinga ne izrekne mjere za kršenje antidopinških propisa u roku od godinu dana od kada je analizom uzetih uzoraka utvrđeno da je sportaš učinio povredu antidopinških propisa;
- b) odlučuje po žalbama na mjeru koju je izrekao sportski savez.

Odbor za izuzeća u terapijske svrhe

Član 56.
(Imenovanje)

Odbor za izuzeća u terapijske svrhe bira direktor Agencije.

Odbor za izuzeća u terapijske svrhe ima 6 članova koji rade u tročlanim komisijama za svaki konkretni slučaj što će se bliže urediti Pravilnik o odobravanju izuzeća za terapijsku upotrebu.

Članovi se imenuju na period od četiri godine, a isto lice može biti ponovo imenovano za člana Odbora za izuzeća u terapijske svrhe.

Članovi Odbora za izuzeća u terapijske svrhe imaju pravo na naknadu troškova i pravo na naknadu za radno angažovanje u radu Odbora za izuzeća u terapijske svrhe.

Član 57.
(Sastav)

Za člana Odbora za izuzeća u terapijske svrhe može biti imenovan liječnik specijalista, sa iskustvom u radu sa sportašima ili znanjem u oblasti sportske medicine, fiziologije tjelesne aktivnosti, medicinske biokemije i farmakologije.

Većina članova Odbora za izuzeća u terapijske svrhe ne smiju imati bilo kakvu zvaničnu funkciju ili biti zaposleni u Agenciji.

Svaki član Odbora za izuzeća u terapijske svrhe potpisuje izjavu u kojoj potvrđuje da ne postoji sukob interesa u obavljanju njegovih dužnosti.

Član 58.
(Nadležnost)

Odbor za izuzeća u terapijske svrhe je nadležan da:

- a) Odobrava izuzeća u terapijske svrhe, odnosno oslobađanja sportaša zabrane upotrebe pojedinih dopinških sredstava;
- b) Odobrava korištenje zabranjenih supstanci i/ili metoda koji se nalaze na Listi zabranjenih sredstava, odnosno izuzeće radi primjene dopinškog sredstva u terapijske svrhe, u slučaju kada postoji za to jasna i nužna medicinska potreba;
- c) Postupa u skladu sa Kodeksom, Listom zabranjenih sredstava i Međunarodnim standardima za odobravanje izuzetaka za terapijsku upotrebu;

- d) Agencija će donijeti Pravilnik o odobravanju izuzeća za terapijsku upotrebu, kojim se bliže uređuje način rada i postupak odobravanja izuzeća u terapijske svrhe.
- e) Odbor za izuzeća u terapijske svrhe će donijeti Poslovnik o radu kojim će se regulirati način vođenja sjednica, vođenje zapisnika, način glasanja, obaveze sekretara i obavljanje administrativnih poslova u roku od trideset dana od dana konstituiranja Odbora.

DIO OSAMNAESTI - FINANCIRANJE AGENCIJE

Član 59. (Sredstva za financiranje)

Sredstva za financiranje Agencije ostvaruju se od:

- a) budžetskih sredstava institucija Bosne i Hercegovine;
- b) drugih prihoda u skladu sa Zakonom.

DIO DEVETNAESTI - NADZOR

Član 60. (Nadzor nad primjenom zakona i propisa)

Nadzor nad primjenom ovog zakona i propisa vrši Agencija.

DIO DVADESETI - PREKRŠAJI

Član 61. (Novčane kazne za pravne osobe)

(1) Za kršenje antidopinških propisa, novčanom kaznom od 5.000,00 do 10.000,00 KM kaznit će se sportski savez, sportska organizacija i druge pravne osobe ako:

- a) neovlašteno ometa ili pokušava ometanje bilo koje dopinške kontrole iz člana 8. stav (1). tačka e) ovog Zakona;
- b) nedopušteno trguje ili pokušava nedozvoljenu trgovinu zabranjenim supstancama ili zabranjenim metodama iz člana 8 stav (1). tačka g) ovog Zakona;
- c) daje ili pokušava davati sportašu bilo koje zabranjene supstance ili zabranjene metode na natjecanju ili izvan natjecanja, pomaganje, poticanje, promicanje, prikrivanje, ili svaka druga vrsta saučesništva iz člana 8 stav (1). tačka h) ovog Zakona;
- d) odbija, ili propušta davanje uzoraka bez uvjerljiva objašnjenja nakon što sportaš zaprimi obavijest u skladu sa primjenjivanim antidopinškim propisima, kao i svako drugo izbjegavanje davanja uzoraka iz člana 8 stav (1). tačka c) ovog Zakona;
- e) posjeduje zabranjene supstance i metode; (člana 8 stav (1). tačka f) ovog Zakona;
- f) uzete uzorke ne skladišti, ili ako njima ne rukuje ili ih ne analizira u skladu s odredbama ovog zakona i odgovarajućim Međunarodnim standardima odobrenim od ovlaštenog međunarodnog organa ili WAD A - e iz člana 20 stava (1) ovog Zakona;
- g) u okviru svojih nadležnosti ne poduzme mjere i aktivnosti iz člana 11 stav (1.)

- h) omogućiti učestvovanje na sportskoj priredbi osobi koja je izrečena mjera zbog antidopinških propisa ili mu omogućiti obavljanje neke funkcije u organizacijama u oblasti sporta, uključujući i aktivnosti vezane za rad sa sportašima iz člana 33 ovog Zakona.
- i) objavi identitet sportaša suprotno članu 43 ovog Zakona;
- j) stavi u promet proizvod bez propisanog znaka upozorenja iz člana 52 tačka t) ovog Zakona.
- k) ne uskladi svoju organizaciju, rad i opće akte sa odredbama ovog zakona u propisanom roku iz člana 65 ovog Zakona.

(2) Za prekršaj iz stava (1) ovog člana kaznit će se i odgovorna osoba u organizacijama za borbu protiv dopinga, sportskom savezu, sportskoj organizaciji i drugoj pravnoj osobi u iznosu od 1000,00 do 5000,00 KM.

Član 62.

(Novčane kazne za fizičke osobe)

(1) Za kršenje antidopinških propisa, novčanom kaznom od 1.000, 00 do 5.000, 00 KM kaznit će se fizička osoba ako:

- a) kao sportaš koristi dopinška sredstva iz člana 8 stav (1) tačka b) ovog Zakona;
- b) odbije ili ne pristupi bez ubjedljivog opravdanja davanju uzorka poslije obavještenja ili izbjegava davanje uzorka na drugi način iz člana 8 stav (1) tačka c) ovog Zakona;
- c) kao sportaš iz registrirane test grupe ne ispunjava obaveze utvrđene propisima Agencije u pogledu dostupnosti za testiranje izvan natjecanja ili ne pruža podatke o boravištu, vremenu i mjestu održavanja treninga i o odsustvu iz mjesta boravka duže od pet dana ili propusti objavljena testiranja izvan natjecanja iz člana 8 stav (1) tačka d.) i člana 17 stav (3) ovog Zakona;
- d) ometa bilo koji dio dopinške kontrole iz člana 8 stav (1) tačka e) ovog Zakona;
- e) odbija, ili propušta davanje uzoraka bez uvjerljiva objašnjenja nakon što sportaš zaprimi obavijest u skladu primjenjivanim antidopinškim propisima, kao i svako drugo izbjegavanje davanja uzoraka iz člana 8 stav (1) tačka c) ovog Zakona;
- f) sprovodi doping kontrolu suprotno članu 19 ovog Zakona;
- g) pismeno ne obavijesti Agenciju o eventualnim osnovama sumnje da je sportista koristio ili da koristi zabranjena sredstva iz člana 13 tačka e) ovog Zakona;
- h) sportašu propiše sredstvo koje sadrži zabranjene dopinška sredstva u cilju liječenja i o tome ne obavijesti sportaša i Agenciju iz člana 13 tačka f) ovog Zakona;
- i) učestvuje na sportskim priredbama iako mu je izrečena mjera zabrane učestvovanja na natjecanjima zbog dopinga ili ako obavlja u organizacijama u oblasti sporta neku funkciju ili aktivnost vezane za rad sa sportašima iako mu je izrečena mjera zabrane obavljanja funkcija u oblasti sporta zbog dopinga sportiste iz člana 36 ovog Zakona.

Član 63.

Novčane kazne po osnovu čl. 61 i 62 ovog Zakona uplaćuju se u korist budžeta institucija Bosne i Hercegovine i međunarodnih obaveza Bosne i Hercegovine.

Član 64.
(Nadležnost sudova)

Postupak vođenja i odlučivanja o prekršajima propisanim ovim Zakonom, je u nadležnosti sudova u Federaciji Bosne i Hercegovine, Republike Srpske i Brčko Distrikta Bosne i Hercegovine.

DIO DVADESET PRVI - PODZAKONSKI AKTI

Član 65.
(Podzakonski akti)

Agencija će u roku od šest mjeseci od dana stupanja na snagu ovog zakona donijeti slijedeće podzakonske akte:

- a) Pravilnik o utvrđivanju odgovornosti lica koje je prekršilo antidopinška pravila, kojim se bliže uređuje postupak utvrđivanja odgovornosti i izricanja mera licu koje je učinilo kršenje antidoping propisa;
- b) Pravilnik o odobravanju izuzeća za terapijsku upotrebu, kojim se bliže uređuje kriterijumi i postupak odobravanja izuzetaka za terapijsku upotrebu, odnosno oslobađanja sportiste zabrane upotrebe pojedinih doping sredstava;
- c) Pravilnik o doping kontroli na sportskim natjecanjima i izvan natjecanja, kojim se bliže uređuje postupak doping kontrole koja se sprovodi na sportskim natjecanjima i izvan sportskih natjecanja;
- d) Pravilnik o Listi zabranjenih sredstava kojim se bliže uređuje postupak, uvjeti i način objave Liste zabranjenih sredstava;
- e) Pravilnik o službenoj iskaznici Agencije za antidoping kontrolu kojim se bliže uređuje i propisuje izgled i sadržaj službene iskaznice;
- f) Pravilnik o skladištenju, rukovanju i analizi uzoraka za doping kontrolu.

DIO DVADESET DRUGI - PRIJELAZNE I ZAVRŠNE ODREDBE

Član 66.
(Usklađivanje općih akata)

Organizacije za borbu protiv dopinga i Sportske organizacije Bosne i Hercegovine, koje obavljaju poslove u oblasti sporta dužne su uskladiti svoju organizaciju, rad i opće akte sa odredbama ovog Zakona u roku od šest mjeseci od dana njegovog stupanja na snagu.

Član 67.
(Imenovanje organa)

Vijeće ministara Bosne i Hercegovine i Agencija imenovat će organe predviđene ovim Zakonom u roku od šest mjeseci od dana stupanja na snagu ovog Zakona.

Član 68.
(Stupanje na snagu)

(1) Ovaj zakon stupa na snagu osmog dana od dana objavljivanja u „Službenom glasniku BiH“.

PSBiH, broj:
.godine
Sarajevo

Predsjedavajući:
Zastupničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

OBRAZLOŽENJE ZAKONA O SPRJEČAVANJU DOPINGA U SPORTU U BOSNI I HERCEGOVINI

I USTAVNI OSNOV

Ustavni osnov za donošenje Zakona o sprječavanju dopinga u sportu u Bosni i Hercegovini su sljedeće odredbe:

- Član IV.4a) Ustava Bosne i Hercegovine;
„Parlamentarna skupština je nadležna za : a) Donošenje Zakona koji su potrebni za provođenje odluka Predsjedništva ili za vršenje funkcije Skupštine po ovom Ustavu.“
- Član II.3i), Ustava Bosne i Hercegovine;
„Sva lica na teritoriji Bosne i Hercegovine uživaju ljudska prava i slobode iz stava 2. Ovog člana, što uključuje slobodu mirnog okupljanja, slobodu udruživanja s drugima.“
- Član II 4, Ustava Bosne i Hercegovine;
„Uživanje prava i sloboda predviđenih u ovom članu ili međunarodnim sporazumima navedenim u Aneksu I ovog Ustava osigurano je svim licima u Bosni i Hercegovini bez diskriminacije po bilo kojem osnovu kao što je pol, rasa, boja, jezik, vjera, političko i drugo mišljenje, nacionalno ili socijalno porijeklo, povezanost sa nacionalnom manjinom, imovina, rođenje ili drugi status.“

Evropski okvir, međunarodni sporazumi i standardi

Međunarodni standardi koji se odnose na sport utvrđeni su u međunarodnim pravnim aktima:

- Evropska povelja o sportu
- Međunarodna konvencija protiv dopinga u sportu
- Olimpijska povelja
- Svjetski antidoping kodeks
- Pravila međunarodnih asocijacija

II RAZLOZI DONOŠENJA I NAČELA ZAKONA

Bosna i Hercegovina ratificirala je Međunarodnu konvenciju protiv dopinga u sportu, a 2008. godine donijela Zakon o sportu u Bosni i Hercegovini kojim je, između ostalog, osnovana Agencija za antidoping kontrolu (u daljem tekstu : Agencija).

Članom 62. tačkom d) Zakona o sportu u BiH propisano je da Agencija rukovodi pripremama i procedurama za donošenje Zakona kojim se uređuje ova oblast.

Cilj ovog Zakona je zakonsko reguliranje ove oblasti u Bosni i Hercegovini na osnovu Međunarodne konvencije protiv dopinga u sportu, Svjetskog antidoping kodeksa i Zakona o sportu u Bosni i Hercegovini. Ovim Zakonom utvrđuju se pravila, nadležnosti i načela u oblasti sprječavanja dopinga u sportu sadržana u međunarodnim dokumentima čija je potpisnica Bosna i Hercegovina kao i evropski standardi i norme u pogledu osiguranja i zaštite ljudskih prava i osnovnih sloboda.

Afirmacija sporta bez dopinga, sporta bez prevare, duha olimpizma i međunarodnih standarda iz oblasti sprječavanja dopinga u sportu su osnovna načela i ciljevi ovog Zakona.

Osim navedenog, cilj ovog Zakona je da zaštiti osnovna prava sportista da učestvuju u sportu bez dopinga i na taj način promovira zdravlje, pravičnost i jednakost za sportiste širom svijeta, da obezbijedi usaglašene, koordinirane i djelotvorne antidoping programe na međunarodnom i nacionalnom nivou u pogledu otkrivanja, odvracanja i prevencije dopinga.

U borbi protiv dopinga, Svjetski antidoping kodeks zahtijeva od svake antidoping organizacije da razvije i primjeni edukativne programe za sportiste, uključujući mlade selekcije, kao i pomoćno osoblje sportista što se postiže ovim Zakonom.

III OBJAŠNJENJE PRAVNIH RJEŠENJA I ODREDBI

1. U općim odredbama data je struktura Zakona (član 1.), a u članu 2. date su definicije i izrazi koji se koriste u ovom Zakonu.
2. U članovima 3., 4., 5., 6., i 7. definiran je javni interes, međunarodna zasnovanost, zabrana diskriminacije, decentralizacija i primjena Zakona. Javni interes u oblasti sprječavanja dopinga u sportu uređen je tako da podstiče i afirmira sport bez dopinga.
3. U članu 8. utvrđeno je kršenje antidoping propisa odnosno radnje i postupci koji predstavljaju povredu antidoping pravila prema Svjetskom antidoping kodeksu.
4. U članu 9. utvrđen je teret dokazivanja kršenja antidoping propisa odnosno organizacije za borbu protiv dopinga koje su nadležne za dokazivanje.
5. U članu 10. propisana je obaveza Agenciji da objavi Listu zabranjenih sredstava uključujući izmjene i dopune. Listu zabranjenih sredstava donosi Svjetska antidoping agencija za svaku kalendarsku godinu a obaveza nacionalnih agencija je da tu Listu objavom učini dostupnom.
6. U članu 11. propisane su dužnosti i odgovornosti organizacija za borbu protiv dopinga u sportu, a prema članu 2. ovog Zakona navedene organizacije su: Olimpijski komitet BiH, Paraolimpijski komitet BiH, sportski savezi registrirani na nivou BiH i Agencija za antidoping kontrolu.
7. U članovima 12. i 13. propisane su obaveze sportista i njihovog pomoćnog osoblja. Ovim odredbama utvrđuju se obaveze sportista kao što su npr. da budu upoznati i da poštuju antidoping propise kao i druge obaveze poput učešća u edukacijskim programima i druge.
8. U članovima od 14. – 23. propisan je postupak doping kontrole. Ovim odredbama uređuju se standardi za doping kontrolu, provođenje doping kontrole, kontrola na takmičenjima, kontrola izvan takmičenja, registrirana test grupa, doping kontrolor, korištenje ovlaštenih laboratorija, svrha prikupljanja uzoraka, analiza uzoraka i upravljanje rezultatima. Postupak doping kontrole propisan je Svjetskim antidoping kodeksom i ovim odredbama propisuje se postupak cjelokupne doping kontrole odnosno osnovna načela a posebnim Pravilnikom će se bliže urediti specifičnosti i pojedinosti doping kontrole.
9. U članu 24. propisane su, na osnovu, Svjetskog antidoping kodeksa vrste mjera koje se izriču zbog kršenja antidoping propisa.
10. U članovima od 25.-40. propisan je, u skladu sa Svjetskim antidoping kodeksom, postupak diskvalifikacije sportista, sportskih rezultata za pojedince i timove na sportskim natjecanjima. Ovim odredbama uređuju se diskvalifikacija rezultata na takmičenjima, poslije uzimanja uzoraka, privremena suspenzija, zabrana učešća na takmičenju, smanjenje trajanja mjera, status za vrijeme zabrane, zabrana obavljanja funkcije, odgovornost za štetu, gubitak statusa, mjere za sportske timove.

11. U članovima 41. i 42. je propisana nadležnost za izricanje mjera u prvom i drugom stepenu u slučaju kršenja antidoping propisa kao i pokretanje upravnog spora. Prema ovim odredbama, u skladu sa Svjetskom antidoping kodeksu, prvostepeni organ nadležan za izricanje mjera je sportski savez registriran na nivou BiH, a drugostepeni organ je Antidoping odbor Agencije.
12. U članu 43. i 44. propisan je način objavljivanja identiteta sportista i drugih osoba koje su prekršile antidoping propis, u skladu sa međunarodnim standardima i propisima Bosne i Hercegovine.
13. Osnovna načela i saradnja na sprječavanju dopinga u sportu putem obrazovanja definirana su u članovima 45. i 46. ovog Zakona.
14. U članovima od 47. – 49. propisan je način istraživanja unutar doping kontrole, tipovi istraživanja i istraživačka praksa po međunarodno priznatim metodama.
15. U članu 52. Zakona opisane su djelatnosti Agencije koje proizilaze iz Svjetskog antidoping kodeksa i drugih propisa.
16. U članovima 53.-58. propisani su organi Agencije u skladu sa Svjetskim antidoping kodeksom. Antidoping odbor je organ Agencije nadležan za izricanje mjera za kršenje antidoping propisa u drugostepenom postupku ili u slučaju ako prvostepeni organ nadležan za izricanje mjera ne izrekne mjeru u propisanom roku. Antidoping odbor ima 7 članova koje imenuje Vijeće ministara BiH. Odbor za terapijska izuzeća je organ Agencije kojeg imenuje ravnatelj Agencije i kojeg čini 6 članova, određenog profesionalnog profila. Odbor za terapijska izuzeća radi u komisijama od po 3 člana što će se bliže urediti Pravilnikom. Mandat članova organa je 4 godine.
17. U članovima od 61.- 64. propisani su vrsta prekršaja i visina novčane kazne za fizičke i pravne osobe kao i nadležnost sudova.
18. U članu 65. propisane su obveze donošenja podzakonskih akata kojima će se pobliže urediti materija iz Zakona. Donošenje ovih pravilnika neophodno je za provođenje ovog Zakona u praksi.
19. U članu 66. propisana je obveza svim organizacijama za borbu protiv dopinga u sportu i sportskim organizacijama Bosne i Hercegovine koje obavljaju poslove iz oblasti sporta da usklade svoju organizaciju, rad i opće akte sa odredbama ovog Zakona kako bi se zakon mogao provoditi u praksi.

IV FINANSIJSKA SREDSTVA

Za provođenje ovog Zakona nisu potrebna dodatna finansijska sredstva jer su predviđena u budžetu Agencije za antidoping kontrolu za 2010. godinu.

V KAZNE NE ODREDBE

Obzirom na postojeće propise utvrđene su kaznene mjere za prekršaje počinjene u vezi s odredbama ovog Zakona, tako što su definirani prekršaji i novčane kazne za njih.